

# Lescha davart tener tgauns en la vischnaunca da Laax

## Art. 1

Tuts habitonts e hosps che possedan ni tegnan tgauns ed avdan permanentamein ni per temps enteifer la vischnaunca da Laax ein suttamess allas prescripziuns da questa lescha. Applicaziun

## Art. 2

Scadin possessur da tgauns cun domicil a Laax ei obligaus d'annunziar siu tgaun alla canzlia communal a sco suonda: Obligaziun  
d'annunzia

- enteifer treis meins dapi la naschientscha dil tgaun
- enteifer 15 dis dapi igl acquist dil tgaun
- enteifer 15 dis suenter ch'il possessur dil tgaun ha priu domicil a Laax.

## Art. 3

Cun l'annunzia eis ei da pagar ina taxa annuala per il tgaun. Vegnan plirs tgauns teni en ina casada, vala per igl emprem la taxa semplia. Per scadin ulteriur tgaun vegn la taxa augmentada. L'altezia dalla taxa vegn fixada en las disposiziuns executivas da questa lescha. Obligaziun da  
pagar taxa

## Art. 4

Libers dalla taxa denton buc dall'obligaziun d'annunziar ein: Liberaziun  
da taxa

- tgauns da sanitad
- tgauns da militar
- tgauns da polizia
- tgauns da securitas
- tgauns da lavinas
- tgauns da tschocs

che stattan el survetsch d'ina instituziun publica ni d'ina organisaziun da liberaziun renconuschida dalla vischnaunca ni che surve-schan sco accompignader da tschocs e che han absolviu ils con-cernents examens da qualificaziun prescrets

Medemamein libers dalla taxa ein tgauns da pasturs dil personal d'alp. Taxas extracomunalas ston denton era vegnir pagadas per tals tgauns.

## Art. 5

Las taxas ston vegnir pagadas mintgamai all'entschatta digl onn calendar, resp. sil pli tard 8 dis suenter l'annunzia d'in tgaun, eventualmein pro rata temporis. Obligaziun da  
pagar la taxa

La competenza da reducir la taxa tenor art. 4 ei resalvada alla suprazionza communal.

#### **Art. 6**

Diever dallas  
taxas da  
tgauns

Las taxas da tgauns vegnan duvradas:

- a) per curclar ils cuosts administrativs che seresultan tras l'execuziun da quella lescha,
- b) per construir e mantener ils indrezs publics che surveschan per tener ils tgauns a moda sanadeivla e higienica.

#### **Art. 7**

Marcas da  
tgauns

Annualmein, resp. tier l'annunzia, survegn il possessur d'in tgaun ina marca da metal che sto vegnir fermada vid il cularin dil tgaun e che sto adina vegnir purtada da quel.

La marca vala a medem temps sco quittance per la taxa pagada. Per cass ch'ina marca valeivla va a piarder, sto il possessur dil tgaun retrer ina nova marca pagond ina taxa administrativa.

#### **Art. 8**

Obligaziuns da  
survigilanza dil  
possessur dil  
tgaun

Igl ei scumandau da schar trottar entuorn tgauns senza survigilanza. Els ston vegnir menai per la corda, sch'igl ei da temer ch'els savessien bandunar la persuna che ha la survigilanza. Els uals ston ils tgauns adina vegnir menai per la corda.

Ils possessurs da tgauns ein obligai da procurar che lur tgauns fegien buc lur basegns sin vias, passapeis, plazzas e parcs publics e privats. Per quei intent duei ins far diever dallas commoditads da tgauns ton sco zaco pusseivel.

Tgauns malsauns ni tals che cuoran ston vegnir menai per la corda.

#### **Art. 9**

Violaziun dal-  
las obligaziuns  
tras il posses-  
sur dil tgauns,  
sancziuns

Tgauns che cuoran entuorn senza survigilanza ni che portan negina marca valeiva, excepti ein tgauns da catscha durent la sancziuns catscha bassa, san vegnir pegliai dils organs forestals, da polizia e da catscha. Vegn il possessur buc enteifer 5 dis per siu tgaun, pagond ina taxa ed ils cuosts per perver, vegn ei decidu tgei far cugl animal senza ch'il possessur sappi pretender ina bonificaziun.

#### **Art. 10**

Mulestia e  
prighel tras  
tgauns

Ils possessurs da tgauns han da procurar che quels mulestien buc vischins e publicum tras canera, tschuffadad ni autruisa. Tgauns che han attaccau, smanatschau ni miers carstgauns ni animals

ston vegnir menai per la corda, ston purtar buccari ni vegnir dismess senza indemnizaziun. Vegn ei inoltrau en quei risguard ina annunzia ni in plogn, relai la suprastonza communal ina decisiun corrispudenta.

#### **Art. 11**

Igl ei scumandau da prender tgauns en scolas, sin piazzas da giugs per affons, en baselgias, santeris, hallas publicas da bogn e bogns libers, en stizuns da victualias e localitads officialas. Excepti ein tgauns da tschocs. Medemamein eis ei scumandau da prender tgauns sin pistas da skis e sin loipas per cuorsa liunga buca marcadadas specialme in per quei intent.

Loghens scumandai per tgauns

En parcs ston tgauns vegnir menai per la corda; medemamein ston els era vegnir teni per la corda en ustrias e restaurants publics. Els astgan vegnir pervesi mo ord vischala speciala per tgauns. Els astgan buca far diever da mobillas da seser.

Tener tgauns en stizuns da victualias ed en ustrias e restaurants publics ei scumandau.

#### **Art. 12**

Surpassaments da questa lescha vegnan puni tras la suprastonza communal cun ina reprimanda ni cun ina fallonza da tochen frs. 500.–. Las prescripziuns da leschas federalas e cantunalas restan resalvadas.

Surpassaments

En cass grevs sa la suprastonza communal decider da dismetter il tgaun senza ch'il possessur sappi pretender ina indemnizaziun. Per cass che quel snega d'ademplier il camond, vegn igl animal dismess tras la polizia.

#### **Art. 13**

Encunter decisiuns e disposiziuns dalla suprastonza communal sa ei vegnir fatg recuors. Decisiuns e disposiziuns ston cuntener ils mieds legals che stattan a disposiziun al pertuccau.

Recuors

#### **Art. 14**

Questa lescha va en vigur igl 1. da schaner 1981.

Vigur

Laax, ils 3 d'october 1980

Il president da vischnaunca:

*E. B. Hangartner*

Il scarvon communal:

*Augustin Killias*